



2020 yil 23.09

Вилоят ҳокимлигига

№ 01/ 4980

**Худудларда ташкил этилаётган хусусий ва давлат-хусусий шериклик
асосида тиббиёт муассасаларида кўрсатилаётган тиббий ёрдам ҳолати
тўғрисида
МАЪЛУМОТ**

**Вилоятда 2019 йил 6 апрелда қабул қилинган “Соғлиқни сақлаш
соҳасида давлат-хусусий шерикликини ривожлантириш чора-тадбирлари
тўғрисида”ги ПҚ-4290-сонли Президент Қарори ижроси бўйича амалга
оширилган ишлар тўғрисида маълумот.**

Қарор ижроси юзасидан Соғлиқни сақлаш вазирининг 2019 йил 2 майдаги 114-сонли буйруғига асосан вилоят соғлиқни сақлаш бошқармасининг 2019 йил 6 майдаги 131-сонли буйруғи ишлаб чиқилиб, унинг иловаси билан вилоятда давлат-хусусий шериклик лойиҳалари концепцияларига ҳулоса бериш бўйича ишчи гуруҳ ташкил этилган ва буйруқ тизимдаги барча муассасаларга етказилган.

Вилоят соғлиқни сақлаш бошқармаси тизимидаги даволаш-профилактика муассасаларини хатловдан ўтказиш натижасида муассасалар тасарруфидаги бўш ва фойдаланилмай турган 33 та объектлар аниқланиб, улардан 20 та объектлардан давлат-хусусий шериклик асосида инвесторларга таклиф этиш учун вазирликнинг расмий веб-сайтига 2019 йил 4 июнь куни ўзбекча ва русча матнларда эълонга қўйилган. 2020 йилдаги хатлов натижаларига кўра давлат тиббиёт муассасаларида фойдаланилмаётган бино ва иншоотлар ҳамда бўш ер участкаларидан 41 таси 2020 йил 20 август куни расмий веб-сайтга эълонга жойлаштирилган.

2019-2020 йиллар давомида вилоят ҳокими раислигида ҳар ҳафтада 3 кун (душанба, сешанба ва чоршанба)лари ўтказилаётган тадбиркорлар билан учрашувларда тизимдаги бўш ва фойдаланилмай турган бино ва иншоотларни давлат-хусусий шериклик асосида хусусий тиббиёт муассасаси ташкил этиш бўйича талабгор-тадбиркорларга вазирликнинг веб-сайтида эълонда турган бино ва иншоотлар таклиф қилиб келинмоқда ҳамда бошқарма мутахассислари томонидан соғлиқни сақлаш соҳасидаги объектларда давлат-хусусий шериклик асосида хусусий тиббиёт муассасаси ташкил этиш бўйича тегишли тушунча ва кўрсатмалар тадбиркорларга тушинтирилмоқда.

Натижада, шу кунгача 6 та талабгор-тадбиркорларнинг давлат-хусусий шериклик асосида хусусий тиббиёт муассасаси ташкил этиш бўйича лойиҳа баҳолаш ҳужжатлари вазирликка тақдим этилиб, муҳокамадан ўтказилди. Булар:

1. Марҳамат ТТБга қарашли собиқ “Тез тиббий ёрдам” бўлимининг асосий 2 қаватли биноси бўйича талабгор **“MINGTEPA MEDICAL SENTR” МЧЖ** томонидан давлат-хусусий шериклик бўйича “Тиббий диагностика ва даволаш” маркази ташкил этиш учун тайёрланган лойиҳа баҳолаш ҳужжатлари ва концепциялар тўпламлари тайёрланган бўлиб, жами **инвестиция киритиш миқдори 5 млрд 80 млн сўм (ўз маблағлари), яратиладиган иш ўринлар сони 22 нафар.** (бошқарманинг 2020 йил 22 февралдаги 01/1250-сонли, 2020 йил 14 сентябрь куни 01/4828-сонли хатлари орқали Соғлиқни сақлаш вазирлигига юборилган).

2. Асака ТТБга қарашли собиқ “Қоратепа” ҚВП биноси бўйича талабгор **“EKSPORT SABZAVOT ISHONCH”** оилавий корхонаси томонидан давлат-хусусий шериклик бўйича “Тиббий диагностика ва даволаш” маркази ташкил этиш. Жами **инвестиция киритиш миқдори 2 млрд 536 млн 273,2 минг сўм (600,0 млн сўм имтиёзли кредит), яратиладиган иш ўринлар сони 13 нафар.** (бошқарманинг 2020 йил 27 февралдаги 01/1410-сонли, 2020 йил 14 сентябрь куни 01/4827-сонли хатлари орқали Соғлиқни сақлаш вазирлигига юборилган).

3. Балиқчи ТТБ 1-базаси ҳудудидаги 250 м² бўш турган ер участкаси бўйича **“Sof dil med” МЧЖ** томонидан давлат-хусусий шериклик бўйича “Тиббий диагностика” маркази ташкил этиш. Жами **инвестиция киритиш миқдори 2 млрд 518 млн 880,3 минг сўм (ўз маблағлари), яратиладиган иш ўринлар сони 14 нафар.** (бошқарманинг 2020 йил 3 мартдаги 01/1530-сонли, 2020 йил 14 сентябрь куни 01/4826-сонли хатлари орқали Соғлиқни сақлаш вазирлигига юборилган).

4. Марҳамат ТТБ тасарруфидаги собиқ сил касалликлар шифохонасининг 2 қаватли 2 та асосий биноси бўйича талабгор **“MUSLIMA MALXAM” МЧЖ** томонидан давлат-хусусий шериклик бўйича “Тиббий диагностика ва санатория соғломлаштириш” маркази ташкил этиш. Жами **инвестиция киритиш миқдори 12 млрд сўм (11 млрд сўм имтиёзли кредит), яратиладиган иш ўринлар сони 22 нафар.** (бошқарманинг 2020 йил 14 сентябрдаги 01/2825-сонли хати орқали Соғлиқни сақлаш вазирлигига юборилган).

5. Марҳамат ТТБ тасарруфидаги 31-ҚОП ҳудудидаги бўш турган 400 м² ер участкаси бўйича талабгор **“FIRDAVS SHIFO MASKANI” МЧЖ** томонидан давлат-хусусий шериклик бўйича “Тиббий диагностика” маркази ташкил этиш. Жами **инвестиция киритиш миқдори 3 млрд 222,3 млн сўм (2 млрд сўм имтиёзли кредит), яратиладиган иш ўринлар сони 25 нафар.** (бошқарманинг 2020 йил 14 сентябрдаги 01/2824-сонли хати орқали Соғлиқни сақлаш вазирлигига юборилган).

6. Марҳамат ТТБ тасарруфидаги собиқ марказий шифохонанинг эски ошхона биноси бўйича талабгор **“BITA STOM 2020” МЧЖ** томонидан давлат-хусусий шериклик бўйича “Тиббий диагностика” маркази ташкил этиш. Жами **инвестиция киритиш миқдори 1 млрд 700 млн сўм (ўз маблағлари), яратиладиган иш ўринлар сони 13 нафар.** (бошқарманинг 2020 йил 14 сентябрдаги 01/2823-сонли хати орқали Соғлиқни сақлаш вазирлигига юборилган).

Ҳозирги кунда Соғлиқни сақлаш вазирлигига юборилган 6 та давлат-хусусий шериклик бўйича лойиҳалар вазирликнинг масъул ходимлари томонидан кўриб чиқилиб, Молия вазирлиги ҳузуридаги Давлат-хусусий шериклик ривожлантириш агентлигига юбориш режалаштирилган.

Бундан ташқари, 7 та объектлар яъни, Андижон шаҳрида жойлашган вилоят юқумли касалликлар шифохонаси ҳудудидаги бўш турган 2 қаватли биноси, Асака ТТБ тасарруфидаги собиқ “Қадим” ва Меҳнатобод ҚВП бинолари, Қўргонтепа ТТБ собиқ “Навоий” ҚВП биноси ҳамда Балиқчи ТТБ марказий шифохонаси ҳудудидаги 680 м² ер участкасида, Балиқчи ТТБ 1-базаси ҳудудидаги 300 м² ер участкасида, Шаҳрихон ТТБ марказий шифохонаси ҳудудидаги 400 м² ер участкаларида давлат-хусусий шериклик асосида хусусий шифохона очишни режалаштирган талабгор тадбиркорлар томонидан давлат-хусусий шериклик бўйича лойиҳа баҳолаш ҳужжатлари ва мавжуд бинони реконструкция қилиш, бўш ер участкасига бино қурилиши бўйича смета ҳужжатлари тайёрланмоқда.

Андижон вилоятида хусусий тиббиёт муассасалари сонини янада кўпайтириш учун шарт-шароитлар яратиш юзасидан маълумот

Ўзбекистон Республикаси Соғлиқни сақлаш вазирлигининг 2020 йил иш режасига мувофиқ Андижон вилоятида 45 та (8 та стационар ва 37 та амбулатор) янги хусусий тиббиёт муассасалари ташкил этиш белгиланган бўлиб, 2020 йил 30 август ҳолатига вилоятда жами 72 та (Андижон шаҳрида 16 та, туманларда 56 та) хусусий тиббиёт муассасалари янги **ташкил этилиб, белгиланган тартибда Ўзбекистон Республикаси Соғлиқни сақлаш вазирлигидан лицензия олинди, 72 та** (шундан: 54 та амбулатор, 18 та стационар шароит) қўшимча 725 та иш ўринлар яратилди, бино қуриш, таъмирлаш ишлари, ҳамда юқори технологик тиббий асбоб-ускуналар учун жами 43 млрд 860 млн. сўм сарфланди, шундан, ўз маблағлари ҳисобидан 41 млрд, 730 млн. сўм банк кредит ҳисобидан 2 млрд 130 млн. сўм сарфланди, 8 та муассаса фаолияти кенгайтирилди ва 12 та муассасалар фаолияти узайтирилди.

Андижон вилоятида Ўзбекистон Республикаси Вазирлар Маҳкамасининг 2019 йил 6 февралдаги “Андижон вилоятида кўчмас мулк объектлари ва ер участкаларидан самарали фойдаланиш чора-тадбирлари тўғрисидаги” 93-сонли қарори ижроси юзасидан хусусий тиббиёт муассасаларини ташкил этиш бўйича инвестиция ва ижтимоий мажбуриятлар қабул қилиш шарти билан “ноль” харид қийматида сотилган давлат кўчмас мулк объектларидан 43 тасида Соғлиқни сақлаш вазирлигидан лицензия олиниб ишга туширилди.

Бугунги кунда вилоятда 605 та хусусий тиббиёт муассасаларидан 420 таси амбулатор шароитда, 185 таси стационар шароитда 43 турдаги ихтисосликлар бўйича аҳолига малакали тиббий хизмат кўрсатиб келмоқда.

Соғлиқни сақлаш соҳасида давлат-хусусий шериклик лойиҳаларининг амалга ошириш шакллари тўғрисида

Вилоятда Қарорнинг 2-банд “а” қисми бўйича давлат-хусусий шериклик лойиҳаларининг жамоат инфратузилмасини лойиҳалаштириш, қуриш, реконструкция қилиш, яратиш ва хизмат кўрсатиш шакллари амалга оширилмоқда. Соғлиқни сақлаш соҳасида товарларни етказиш, ишларни бажариш ва хизматлар кўрсатиш шакли бўйича тиббиёт муассасаларининг

қўшимча хизматларидан беморларга овқат тайёрлаш ва кир ювиш хизматларини аутсорсинг асосида тадбиркорларга ўтказиш борасида 23 та муассасанинг овқат тайёрлаш, 4 та муассасанинг кир ювиш хизматлари тадбиркорларга белгиланган тартибда берилди.

Соғлиқни сақлаш соҳасида давлат-хусусий шерикликни амалга оширишда ер участкаларини тақдим этиш, ўзоқ муддатга фойдаланиш учун давлат тиббиёт ташкилотларининг бино ва иншоотларини ёки уларнинг қисмларини, хоналарини беришда муаммолар тўғрисида

ПҚ-4290-сонли Қарорнинг 2-банди, “в” қисмида битимнинг амал қилиш муддати давлат ва хусусий шерик томонидан белгиланади. Бунда у уч йилдан кам бўлмаслиги ва 49 йилдан ошмаслиги белгиланган. Ҳозирда тадбиркорларга аксарият лойиҳаларни 10 йилгача шартнома тузиш тавсия этилмоқда. Бу ҳолат бўйича тадбиркорлар томонидан 20-25 йилга шартнома тузиш таклифи билдирилмоқда.

Соғлиқни сақлаш соҳасида товарларни етказиш, ишларни бажариш ва хизматлар кўрсатиш шакли бўйича тиббиёт муассасаларининг қўшимча хизматларидан беморларга овқат тайёрлаш ва кир ювиш хизматларини аутсорсинг асосида тадбиркорларга ўтказиш Вазирлар Маҳкамасининг 2020 йил 10 январдаги 16-сонли қарори билан тасдиқланган Низом бўйича амалга оширилмоқда. Аутсорсинг хизматини ташкил этишда қуйидаги муаммолар мавжуд:

1. Беморларга овқат тайёрлаш хизмати бўйича муассасаларга бюджетдан овқат тайёрлаш учун бир кунлик бир беморга ажратилган маблағларнинг камлиги (ўртача умумий бир беморга бир кунга 7-8 минг сўм) тайёрланаётган овқат сифатини оширишга салбий таъсир кўрсатмоқда.

2. Низомнинг 2-боб, 7-бандида белгиланган аутсорсернинг харажатларини қоплаш мақсадида 20 фоизгача устама белгилаш молия органлари томонидан ҳал этилмаган.

3. Кир ювиш хизматини аутсорсинг асосида тадбиркорларга ўтказишда Низомнинг 2-боб, 6-бандида хизмат таннарҳига иш ҳақи, иш ҳақиға ажратмалар, моддий харажатлар, билвосита харажатлар ва аутсорсер харажатларини қоплаш учун 20 фоизлик устама харажатлар молия органлари томонидан ҳал этилмаган.

Соғлиқни сақлаш соҳасида давлат-хусусий шерикликни ривожлантириш учун амалдаги қонунчиликни такомиллаштиришга таклифлар.

ПҚ-4290-сонли қарорнинг 1-илоvasи билан тасдиқланган “Соғлиқни сақлаш соҳасида давлат-хусусий шериклик тўғрисида Низом”нинг 17-бандида хусусий ташаббус маъкулланган тақдирда, давлат шериги давлат-хусусий шериклик концепциясини расмий веб-сайтига ва бошқа махсус веб-сайтларда лойиҳа қирқ беш кун эълонда туриши белгиланган, шу муддатни агар лойиҳа хусусий шерик-тадбиркор томонидан ташкил этилган тақдирда ўн беш кунга қисқартириш таклиф этилади.

Бошқарма бошлиғи



А.Абдурахманов